



kat.komp.

43605

I

Mag. St. Dr.

P

Polinski francisci: Quaestio de apoplexia.

C

M.

A

IN

LE

Q V Æ S T I O

D E

A P O P L E X I A.

A

M. FRANCISCO ROLINSKI

Medicinæ Doctore, publicè ad
disputandum

Pro loco inter Medicinæ Doctores,

I N

ACADEMIA CRACOVIE NSI

obtinendo,

I N COLLEGIO IAGELLONIANO,

LECTORIO DD. THEOLOGORVM

Anno 1642: Mense April. Die 5 Hora 7 1/2

PROPOSITA.

CRACOVIAE.

Typis Francisci Casarii, Anno Dñi. 1642.

Mease 651

34. v. 78

BIBLIOTE. UNIV.



IAGELLONIAN

IN ARMA DOMVS ILLVSTRIS.



43605
I
Hermum, Pactolum, Gangemque Tagumque relinquo
Fama: LVBOMIRSCI sacri Flumen erit.
Quô non tempestas auri; sed Numina tranant,
Pallas, Mars, Charites, Confus, Apollo, Ceres.



ILLVSTRISSIMO D.
DOMINO,
GEORGIO SEBASTIANO,
LVBOMIRSKI.
COMITI IN WISNICZ.

Sandecensi, Scepusiensi, Dobcycen.

Grybouien. &c. &c.

CAPITANEO.

Domino & Patrono Colendissimo.

M. Franciscus Rolinski, S. & F.



ON peccaui, Comes Illustrissime, quod
in hoc Medicarum mearum disquisi-
tionum vestibulo nomen Tuum ado-
ro; & te, tanquam Solem orientem,
hemisphario presentis questionis presi-

cio ac veneror. Non enim alteri conuenientiis ista
debebantur, quàm Tibi, qui & literarum amore con-
tinuo exardescis, & literarum cognitione, non tantùm
Tui equales (in hâc, quâ feliciter nauigas, classe) facile
superas, sed plurimos etiam maturiorum annorum
prudentiâ conspicuos, ponè reliquis. Declarant id lu-
culentissimè, cùm virtutum Tuarum in Rempub. me-
rita, tùm negotiorum quâ togâ, sagoq̃, quâ foris do-
miq̃ expediendorum promptitudo. Testis est huius
rei, vel inprimis Venerandum Comitiorum Augu-
stale, & undiq̃ illuc confluentium Quiritum turba,
quæ Te, Tuamq̃ solidam industriam, eruditionis sci-
pione firmatam, in publico omnium theatro admirata
est: testis & conscia integritatis Tuae Patria, quæ Te
legum ac altiorum subselliorum Trib. custodem incor-
ruptum notauit: testis ingens, ad omnes occasiones,
contra insultus barbarorum, animus: & quod ego pe-
culiare cum admiratione considero, magna ingenij Tui
ad omnia seria, & festiua dexteritas, atq̃, ad acutè,
respondendum celeritas: ut mirum sit, quomodò in te-
nero corpore, tam magni, & veloces contineantur spi-
ritus. Sed facit hoc propitia naturæ benignitas, ut mi-
nora corpora maiores gerant animos, & ea quidem
feli-

felicius expédiant, quæ mole sua Herculis magnitudi-
nem superare videantur. Quippe Magni Patris Tui,
cuius Tu proximè premis vestigia, hoc Tibi prælibant
exempla, Et ad ardua gerenda regiam commonstrant
viam: quatenus virtutum recto tramite, quem sem-
per tenes, insistens, Maiorum tuorum Domum in dies
amplioribus cumules ornamentis, quam Divum pro-
speritate in tantam maiestatem, euectam esse videmus.
Longè lateq; patet nominis vestri gloria, nec iam celo
Sarmatico continetur, sed præterquàm quòd vicino-
rum Europe Regum, ac Principum societate, amici-
tiq; gloriatur, ultra Pontum Et Gades celebritate fa-
me diffunditur: hic virtutum Et inuicti animi magni-
tudine constantiam preferendo; illic, victoriarum Et
cladium numero, terrorem cum dolore refricando. Quæ
omnia Et singula cùm ego examinarem, Et meam Te-
cum aliquoties habitam de reconditis, cùm naturalis,
tùm aliarum scientiarum dissertationem repeterem,
temperare mihi non potui, quin has lucubratiunculas
Medicas, vel unicam hanc animi testificationem Tibi
consecrarem. Fateor, non pro Tui nominis amplitudi-
ne forsàn erunt, Et tardius profectò, quàm vel ego desi-
derabam, vel splendoris Tui ratio postulabat; sed da-

bis veniam, & partim id mea deuota propensione,
cum lenitate coniuncta condonabis, partim tue facili-
tati cum venustate sociata adnumerabis; presentes
has tamen grato animo acceptando, id quod ego te per
tuam humanitatem rogo. Vale, & felix uiue, non
minus patrie charissime, prout cepisti, quam Patri desi-
deratissimo, sicut haecenus fecisti. Vtrumq; Dijs sospi-
rent; Patri, quantum superuixit, adiiciendo; Tibi,
quod desideras, indulgendo. Craconie 28. Martij,
Anno 1642.

❁ ❁ ❁
Q V Æ S T I O.

V Apoplexia fit repentina omnium functionum animalium priuatio, cum respiratione afflictâ: proueniens ab obstructione ventriculorum, & meatuum totius cerebri; ne spiritus, actionum ministri, ad propria organa deferantur; recteque ex elicitis indicationibus per triplex instrumentum Therapeuticum curari possit, nec ne?

C O N C L U S I O I.

Apoplexia est repentina omnium functionum animalium priuatio, solâ restante, licet multum afflictâ, respiratione.

C O R O L

C O R O L L A R I A.

1. In Apoplexiâ priuatio animalitatis intelligitur, cum homo repentè concidens, voce, sensu, motu totius corporis, ac principibus facultatibus, destituitur.

2. Apoplexia formaliter, nec est morbus, nec causa morbi, sed Symptoma de genere actionis animalis ablatae.

3. In quâuis Apoplexiâ necessariò respiratio laborat; à quâ respiratione magis vel minùs læsâ, *Galenus 2. aphor. 42.* colligit apoplexiæ 4. differentias.

4. Adeò ad conseruationem viuientis facit respiratio, vt animal respiratione priuatum, nullatenùs viuere possit.

5. Etiam in acutissimâ apoplexiâ, nequaquam deficit spiratio, cum spiratio à vitâ, & vita à spiratione non possit separari.

6. Omnium acutissima Apoplexia est, quæ cum summo stertore spumam torquet copiosam.

7. Quatuor sunt Apoplexiæ signa, vocis, sensus, motus, & mentis repentina abolitio: quibus stertorem frequenter adiungimus.

8. Caros licet maximam cum apoplexiâ similitudinem habeat, quia tamen sensum non de toto perdit, & respirationem liberiores habet, ideò apoplexiæ nomen subire non potest.

9. Syncope, & hysterica suffocatio cum apoplexiâ in Symptomatis conueniunt: quia tamen liberam respirationem habent, ideò apoplexiæ nomen, non merentur: vel, vt melius dicam, in apoplexiâ animalis, in syncope vitalis facultas opprimitur; hystericæ autem audiunt, & recordantur eorum quæ in paroxysmo fiunt.

10. Epilepsia, apoplexia, & paralyxis non differunt inter se, nisi secundum magis & minus: nam in epilepsia sensus, & motus deprauatus, in paralyxi diminutus, in apoplexiâ abolutus.

CONCLUSIO II.

Apoplexia efficienter dependet ab obstructione ventriculorum, & meatuum totius cerebri.

COROLLARIA.

1. Obstructio, lato modo sumpta, comprehendit sub se compressionem, & subsidentiam, ex qua

B

cunq̃ue

cunq̃ue tandem causâ fiant: strictè autem consid-
rata, supponit materiâ humorosam & corpulentam.

2. Subiectum apoplexiæ, primariò est cerebrum
secundum ventriculos & suos poros, consequenter
autem totum corpus.

3. Licet ex Hippocrate, & Galeno frequentissi-
mè credatur, fieri apoplexia ex pituitâ: non inficia-
mur tamen ex alijs humoribus commodè generari
posse: indè minùs aduertisse Fernelium, & Carda-
num, viros aliàs doctissimos, hunc, quòd nonnisi
ex melancholiâ, illum quòd tantum ex pituitâ, apo-
plexiam fieri crediderunt.

4. Non quævis pituita apta est producere apo-
plexiam, sed quæ sit crassa, viscida, lenta, non serosa:
si Vesalio tantum credendum est, *lib: 1. d. fabr. hum.*
corp. cap. 5.

5. Melancholia ex Hippocr. doctrina *6. aphor.*
56. plerumq̃ue apoplexiam producit, bilem tamen
ineptam esse censemus.

6. Sanguis copiosus in vasa cerebri irruens, eaq̃
tendens, & substantiam cum poris, & sinibus com-
primens, dubiò procul, apoplexiam sanguineam in-
ducit, quam iuuenes, & plethorici incurrunt.

7. Inflammatio cerebri si fuerit maximè aucta, interdum apoplexiam facit: inde phrenitis & lethargus aliquando in apoplexiam terminantur, quò tempore febrem habet comitem.

8. Vapores quicunque interni & externi venenati, siue non venenati fuerint, apoplexiam frequenter inducunt: vnde à carbonibus ignitis, per experientiam miserè apoplecticos mori sæpè videmus: par ratio est de parietibus nouo cæmento obductis.

9. Quæcunque cerebri substantiam vehementer concutiunt, apoplexiam causare consueuerunt, vt sunt, percussio, ictus, valida cerebri ad durum corpus alisio.

10. Quibus caput graue frequenti sopore tentatur, & corpus pigrescit, oculi tenebris offunduntur, hi apoplexiæ sunt obnoxij: maximè autem senes, pituitosi, & crapulæ addicti, plethorici, qui breui angustaque sunt ceruice.

CONCLUSIO III.

Spiritus animales in apoplexiâ ad propria instrumenta per neruos non deferuntur.

COROLLARIA.

1. Spiritus omnis, quia est exhalatio sanguinis tenuissima, corporeus sit est necesse.

2. Spiritus dupliciter consideratur, aut quatenus est corpus physicum, & propriam formam regitur, aut quatenus animæ instrumentum.

3. Spiritus in triplici differentia est, Naturalis, Vitalis, & Animalis.

4. Naturalis ex vaporosa sanguinis benignioris substantia in hepate generatur; vitalis, ex eodem vapore sanguineo in sinistrum cordis ventriculum delato, fit, qui postea ad cerebrum elatus, turbulentoque feruore, quem à corde acceperat, stabilior redditus, animalis euadit.

5. Naturalis cum sanguine per venas ad nutritionem; vitalis per arterias ad viuificationem; animalis per nervos ad sensum, & motum, omnibus partibus inest.

6. Licet spiritus ex se consequenter ordine generentur, multum tamen inter se differunt: quantum enim naturalis à vitali, tantum vitalis ab animali, tenuitate differt: naturalis vaporem æmulatur, vitalis aëreus est, animalis planè æthereus.

7. Vapor sanguinis benignioris in iecinore natus, quoniam vitali, & animali spiritui materiam generationis subministrat, iure meritò primus generatione statui debet.

8. Animalis spiritus materia, est portio tenuissima vitalis, cum aëre permixta, per carotidas, & cervicales arterias in cerebri basim, indeque in superiores ventriculos, delata.

9. Errant, qui spiritum animale, propriam formam acquirere in plexu superiore, putant: frustra enim tot plexus, ac sinus alios fecisset in cerebro natura. Ac proindè prima eius præparatio, in plexibus fit ac superioribus ventriculis; coctio & elaboratio in tertio; perfectio in posteriori; tandem distributio in vniuersum cerebrum, & nervos diffunditur.

10. Spiritus animalis, quoniam tenuissimus est, non utique nervos patentes, seu cauos desiderat, sufficit enim, vt sensim illabens, possit nervos irrigare, seu irradiare.

CONCLUSIO IV.

Apoplexia ex elicitis indicationi-

bus per triplex instrumentum Therapeuticum curatur.

C O R O L L A R I A.

1. Apoplexia, præter communia Indicantia, supponit particularia præsidia dolorifica; ratione sensus ablati.
2. Reuellentia omnia hîc locum habent: vnde ligaturæ fortes, frictiones asperrimæ, clisteres acerrimi, cucurbitæ cum magno igne, sine & cum scarificatione &c. sunt ad propositum.
3. Omnis apoplexia est periculosa, ex Hipp. doctrina: tantò autem periculosior, quantò maiorem stertorem cum spumâ habuerit coniunctum.
4. In quâvis apoplexiâ, viribus, ætate &c. permittentibus, sanguis per venæ sectionem est detrahendus; idque eò ardentius faciendum, & copiosius subducendum, si ex sanguine ortum habuerit, vt in plethoricis.
5. Vesicantia commodè in hîc morbo adhibentur; nunc remotioribus partibus, vt in principio; nunc propioribus loco affecto, vt in progressu.
6. Ignis actualis cum ferro candenti, rectè administrari

nistrari potest, non tantum, vt materia dolorifica sensum ablatum reuocans; sed vt materia, quæ attrahit ratione doloris & caloris.

7. Alterantia interna & externa, quæ non minus crassos humores attenuant & resoluunt, quàm partem corroborant ad expellendum, in vsum duci possunt: vt sunt syrupus de Stæchade, mel anacardinum, magnæ antidoti &c.

8. Propter præceptum periculum, coctionem humorum non expectamus; tum ne humor lentus ex morâ magis impingatur, tum ne homo citò moriatur, nisi subito vacuetur: plus enim potest materia caput petens, quàm possit cruditas. Purgandum autem in valdè acutis eadem ipsâ die &c. *vt inquit Hippocr. 4. aphor 10.*

9. Electiue purgantia, eaq; generosa probantur; prout sternutatoria acia, apophlegmatismi & erhinna valentia, ac amara.

10. Victus apoplecticorum debet esse, aut nullus, aut sanè tenuissimus.

FINIS



Sub felicibus auspiciis, Perillustris
& Magnifici Domini, D. ADAMI
OPATOVII, S. T. D. & Professoris,
Canonici Ecclesiæ Cathedr. Crac:
Academiæ Generalis
RECTORIS.

BIBLIOTHECA UNIV.



JAGIELLONICAE

XXIV. 517.

stris
AMI
ris,
ac:

Biblioteka Jagiellońska



stdr0020796

